

Ullormut oqaluuserisassanut nassuiaat.

(Inatsisartut Siulittaasoqarfiat)

Ulloq 6. november 2009-mi ataatsimiinnermi immikkoortoq 63 aamma 47 angumerineqanngillat.

Immikkoortut ullumi ataatsimiinnermi taasisitsinerit kingorna siullertut oqaluuserineqassapput.

Tulliullugit oqaluuserineqassapput immikkoortoq 9, 30 aamma 120.

Immikkoortoq 126-p, Naartunermi, erninermi meeravissartaarnermilu sulinngiffeqartarneq ullormusiaqartarnerlu pillugit Inatsisartut inatsisissaattut siunnersuut maanna 13. novemberimi aappassaaneerseqartussanngorpoq.

Immikkoortoq 42-p, Kalaallit Nunaanni Naligiissitaanerup Ulluanik aalajangiussinissamik Naalakkersuisut peqquneqarnissaat siunertaralugu siunnersuut, immikkoortoq 62-p Kalaallit Nunaanni meeqqat inuusuttullu angerlarsimaffiup avataanut inissinneqartartut sullinneqarnerisa nakkutigineqarnerat sukateriffigineqaqqullugu Naalakkersuisut sulissuteqaqqullugit Inatsisartut aalajangiiffigisassaattut siunnersuut aammalu imikkoortoq 91-p Meeqqat atuarfianni klassini qullerni atuartut atuarnermut tapiiffigineqartarnerat pillugu Inatsisartut peqqussutaata atorunnaarsinnera pillugu Inatsisartut Inatsisissaattut siunnersuut UPA 2010-mut kinguartinneqassasut Ilaqutariinnermut Ataatsimiititaliamit qinnutigineqarpoq.

Ulloq 13. novemberimi ataatsimiinnermi oqaluuserisassat ima allanngortinneqarnissaat Siulittaasoqarfimmit siunnersuutigineqarpoq: Nalunaarusiat 128 aamma 127 kiisalu apeqquteqaat aallaavigalugu oqallisissiat 109 aamma 107 ulloq taanna oqaluuserineqassapput.

Aammattaaq immikkoortoq 68, 78, 20 aamma 112-imi apeqqutit marlunngornermi ulloq 17. november oqaluuserineqassasut Siulittaasoqarfiup siunnersuutigaa.